



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka (“Službeni glasnik BiH” broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka (“Službeni glasnik BiH” broj: 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU **DEMOKRATA BOSNE I HERCEGOVINE**

Broj: 03-07-6-340/12
Sarajevo, 24. oktobar 2012. godine

SADRŽAJ

MIŠLJENJE REVIZORA.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Demokrata Bosne i Hercegovine za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokrati Bosne i Hercegovine prekršili su odredbu člana 11. stav (1) i (3) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokrata Bosne i Hercegovine za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2011. godinu Demokrati Bosne i Hercegovine nisu iskazali nikakav prihod, što se vidi iz naredne tabele:

Red.b r.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	Ukupni prihodi:	0,00	

Prema podacima iz godišnjeg finansijskog izvještaja, Demokrati Bosne i Hercegovine u 2011. godini nisu imali rashoda.

2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv je Demokrati BiH.

Politička stranka je registrovana 01.06.1999. godine kod Kantonalnog suda u Sarajevu i upisana u sudski registar pod brojem: R-I-2/99.

Prema podacima iz Rješenja o upisu u sudski registar, sjedište političke stranke je u Sarajevu, Titova br. 28, ali je stranka u finansijskom izvještaju navela kontakt adresu, Skenderija 18/III.

Lice ovlašteno za zastupanje stranke je prof.dr.Safet Čibo, predsjednik stranke.

Lice ovlašteno za podnošenje finansijskih izvještaja za 2011. godinu je Refik Dedović.

Prema podacima iz godišnjeg finansijskog izvještaja za 2011. godinu, Demokrati Bosne i Hercegovine nemaju niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokrata Bosne i Hercegovine za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokrata Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Demokrata Bosne i Hercegovine u periodu od 2006. do 2010. godine, nakon čega su izdati izvještaji o pregledu sa, nalazima revizije, mišljenjem revizora i preporukama političkoj stranci.

Nakon izvršenog pregleda godišnjeg finansijskog izvještaja Demokrata Bosne i Hercegovine za 2010. godinu, stranci je data preporuka da postupa u skladu sa odredbama člana 6. stav (2) i člana 11. stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2011. godinu, utvrđeno je da politička stranka nije ispoštovala preporuke koje su date u izvještaju o pregledu godišnjeg finansijskog izvještaja za 2010. godinu, odnosno postupila je suprotno odredbama člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

Demokrati Bosne i Hercegovine nisu ispoštovali odredbe člana 11. stav (1) i (3) Zakona o finansiranju političkih stranaka.¹

Stranka nije uspostavila potpune i tačne evidencije o prihodima i rashodima, u skladu sa članom 11. stav (1) Zakona o finansiranju političkih stranaka, te finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka, što je suprotno odredbama člana 11. stav (3) navedenog Zakona.

¹ Prema odredbama člana 11. stav (1) Zakona o finansiranju političkih stranaka, stranka je obavezna voditi evidencije o svojim prihodima i rashodima, a u skladu sa odredbama člana 11. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija BiH. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

Politička stranka je u finansijskom izvještaju prijavila nenovčanu donaciju pravnog lica u iznosu od 60,00 KM, te navela da je istu ostvarila korištenjem poslovnog prostora bez naknade tokom 2011. godine, koji je političkoj stranci ustupilo pravno lice Bosnia Airlines d.o.o. Sarajevo.

U istom iznosu politička stranka je iskazala i trošak zakupnine.

Obzirom na tržišnu cijenu zakupa u Sarajevu, politička stranka je prihod po osnovu nenovčane donacije, skupa sa troškovima zakupa, iskazala u značajno manjem iznosu, što je suprotno odredbama člana 11. stav (1) Zakona o finansiranju političkih stranaka i odredbama člana 18. i člana 21. Pravilnika o godišnjim finansijskim izvještajima političkih stranaka.

U vezi sa navedenim naglašavamo da su Demokrati Bosne i Hercegovine, u toku kontrole finansijskog izvještaja za 2010. godinu, Centralnoj izbornoj komisiji BiH dostavili akt, broj: 04-05/11 od 06.05.2011. godine, na osnovu koga utvrđena cijena zakupa poslovnog prostora koji je stranci na korištenje dodijelilo pravno lice Bosnia Airlines d.o.o. Sarajevo iznosi 1.200,00 KM.

Na osnovu navedenih činjenica, utvrđeno je da su Demokrati Bosne i Hercegovine u finansijskom izvještaju iskazali prihode i rashode u manjem iznosu za 1.140,00 KM, u odnosu na ostvarene.

5.2. PREPORUKE

Preporučuje se Demokratima Bosne i Hercegovine da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da u skladu sa članom 11. stav (1) navedenog Zakona uspostave potpune i tačne evidencije o svojim prihodima i rashodima i*
- *da finansijske izvještaje, koje dostavljaju Centralnoj izbornoj komisiji Bosne i Hercegovine, podnose u skladu sa odredbom člana 11. stav (3) Zakona o finansiranju političkih stranaka i u formi propisanoj Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Demokrati Bosne i Hercegovine nisu dostavili primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju - revizor